

Tingasiyanitse bwanji pakati pa Qadar ndi chisankho chathu (free will).

Date: Wednesday, Safar 11, 1447 3:11 PM

Views: 118

Category: Aqīdah > Firaq > Qadariyyah

Question

Tingasiyanitse bwanji pakati pa Qadar ndi chisankho chathu (free will).

Answer

Kutamandidwa konse ndi kwa Allāh!

Ndi zoonā ndithu kuti anthu ali ndi chisankho chochita zomwe akufuna. Ndipo Allāh adaloleza zimenezi pa aliyense mwa ife kuti akhale ndi chisankho. Zikadati sizili choncho, kuti anthu alibe kuthekera kusankha, ndiye kuti aliyense kuchokera mwa omwe adalandira atumiki akadayankhula pa Tsiku la Chiweruzo kuti: “Tinalibe chisankho pa nkhanī imeneyi – tidakana chifukwa ndi zomwe mudatilembera.”

Choncho, anthu ali ndi chisankho ngati m'mene Allāh akuyankhulira mu ma āyāt ambiri monga:[1]

نَیْمِلُّ طَلَلِ اَنْ دَتَّعَ اَنَّا اِنْ اُرْفِکَیْ لَفَ اَشَ نَمَوْنُ مُؤِیْ لَفَ اَشَ نَمَفِ اُمُّکُبَّرِ نَمُ قَحْلٍ لُقَوِ
اَهْقِ دَارُسٍ مَوْبَطَاحٍ اَرَانِ

Ndipo nena: "Chilungamo ndi chochokera kwa Mbuye wanu, choncho yemwe akufuna – akhulupirire; ndipo yemwe akufuna – akanire." Ndithudi, Tawakonzera onse ochita zoipa Moto womwe makoma ake adzawazungulire iwowo.

Izinso ndi zomwe opembedza mafano amayankhula mu nthawi ya Mtumiki wa Allāh (ﷺ). Allāh akutiuza motere:[2]

اَلَوْ اَنْ وَّابِ اَلَا وُنْحَ نِ عِیْ شَ نَمِ وُنُوْدُ نَمِ اَنْ دَبَعَ اَمُّهَ لَلِ اَشَ وُلِ اُوْکَرَشَا نِیْ دَلِ اَلَا قَوِ
عُ اَلْبَلِ اَلِ لُسُرِّ لَیْ عَ لَهَفِ مَوْلُ بَقِ نَمِ نِیْ دَلِ لَعَفَ کَلِ دَکَ عِیْ شَ نَمِ وُنُوْدُ نَمِ اَنْ مَحَ
نِیْ بُمُ لَیْ

Ndipo omwe amamuphatikizira Allāh ndi mafano amati, "Allāh akadafuna, sitikadapembedza milungu ena posakhala lyeyo, ife ngakhalenso makolo athu. Ndipo

sitikadaletsa chilichonse kupatulapo kudzera mwa lye." Umotu ndi m'menenso adachitira omwe adadza m'mbuyo mwawo. Choncho, palinso pa atumiki ntchito ina kupatulapo kugawa uthenga mosabisa?

Pa āyah imeneyi, Ibn Kathīr adati:[3]

املو ةبوقعلاب انيلع هركنأل انللعف امل اهوراك ىللاعت ناك ؤل ؤن اهومالك ؤن ؤمؤمؤمؤ
يأ { نبي ؤمل اءال بلسرلا ىللاعت ؤف } ؤمؤت ؤبؤش ؤمؤيلا ؤدار ىللاعت لاق ، هنم اننك مأ
مؤك اءن وراك نل اءشأ ؤمؤيلا ؤركنأ ؤق ل ب ، مكيلي ل هركني مل هنأ ؤمؤعؤت امل كؤمأل سيلي
لؤزي م ل ف ، الوسر سانل نم ؤفئاطو نرق لك يف ؤمؤل لك يف ؤفئبؤي ؤللا ؤك اءن ؤ
ءؤن ؤمؤق يف مءا ي نب يف كؤرشل ؤءؤء ؤنم لك ؤبلسرلا سانل ىللاعت لؤسؤري ىللاعت
ءمءؤمؤب ؤمؤءؤ نأ ىللا ؤرأللا ؤللا ؤللا ؤفئبؤلؤسؤر ؤللا ؤؤن ؤمؤيلا ؤللا ؤرأ نل ؤللا
ب راغملا و قراشملا يف ؤنءللا و سؤنللا ؤؤءؤ ؤؤبؤط ي ؤللا ملسو هيلي للى للى

Tsinde la mawu awo linali loti: “Akanati Allāh akunyasiidwa ndi zomwe timachitazi (zopembedza mafanozi), akadatiimitsa potipatsa chilango, ndipo sakadatipatsa kuthekera koichita ntchito imeneyi (yopembedza mafanoyi).” Potsutsa zoyankhula zawozi, Allāh adati: “Choncho, palinso pa atumiki ntchito ina kupatulapo kugawa uthenga mosabisa?” kutanthauza kuti, nkhani siili m’mene inuyo mukuyankhulira. Sikuti Allāh sanakutsutseni mchitidwe wanu; koma lye adakuletsani kale, mu chiletso chokhwima kwambiri. Ndipo adatsindika za chiletso chimenechi pa inu. Ku Ummah ulionse – m’badwo ulionse, gulu lililonse la anthu – adatumizako Mtumiki wa Allāh (ﷺ). Allāh sadasiye kubweretsa kwa anthu atumiki pa chifukwa chimenechi (chaletsa Shirk) kuyambira pamene adaipanga Shirk kukhala Hadath (choononga ntchito za munthu) pa Ana a Adam mu m’badwo wa Nuh omwe adatumiziridwa Nuh. Ndipo Nuh adali woyambirira mwa atumiki amenewa kutumizidwa ndi Allāh kwa anthu a pa dziko lapansi, mpaka kufikira pa womalizira mwa iwo yemwe ndi Muhammad, yemwe da’wah yake idali yopita kwa anthu ndi ziwanda zomwe, kuyambira ku mmawa mpaka kufikira ku madzulo.

Apapa tikuona kuti sizoonza zoti munthu alibe kusankha. Aliyense adapatsidwa kusankha kochivomereza chilungamo kapena kuchikana.

Chimodzimodzinso yemwe wasankha kuvomereza chilungamo, ameneyo wachita zimenezo mwa kufuna kwake. Ndipo ngati munthu wasankha kuchita tchimo, ameneyo wachita zimenezo mwa kufuna kwake. Adayankhulapo za nkhaniyi Shaykhul Islām Ibn Taymiyyah kuti:[4]

رئاسو للمل لهأ رئاسو نيملسمل قافتاب بنذلا ىلع ردقلااب جتحي نأ دحلأ سيلي و سوفنلا لتق نم هل رطخي ام لعفي نأ دحلأ كنكمأ أل الوبقم ناك ول اذه نإ؛ ءالقعلا اذا ردقلااب جتحملا سفنو. ردقلااب جتحي وضألأ ي ف داسفلا عاونأ رئاسو لاومأل ذخأو

لدي لوقل ضقانتي و ضقانتي لب ه نم لبقي مل ردق لب يدت علم جت حاو هي لع يدتعا
لوقل عيادب يف داسفل مولع مل ردق لب جاجت حاو اف؛ داسف يلع

Ndipo sizili pa aliyense kuti adzigwiritsira ntchito Al-Qadar kukhala umboni wochimwira potengera mgwirizano wa asilamu (ma ‘ulamā’), komanso ndi ena onse otsatira zipembedzo zina, ngakhalenso ndi omwe ali ndi nzeru. Zikanati izizi ndi zovomerezeka, ndiye kuti aliyense akamachita zomwe zamudzera mmutu mwake kumbali ya kupha, kulanda chuma cha anthu, ndi ntchito zina zobweretsa chisokonezo pa dziko, ndipo akanalozera Al-Qadar ngati pothawira pake. Ngati munthu amene akunamizira Al-Qadar atati afikiridwe ndi munthu wina mosakhala bwino (kaya kumenyedwa) ndipo winayonso akunamizira Al-Qadar pa zomwe wachitazo, iyeyu sakadavomereza zimenezo; ndipo pamenepa akadakhalanso akudzitsutsa yekha, zomwe zikutitsimikizira kuti kaganizidwe kameneka ndi kabodza. Choncho, kugwiritsira ntchito Al-Qadar ngati chida (chochitira zoipa zathu) ndi bodza kwa munthu amene ali kaganizidwe kolondola.

Shaykh Muhammad Ibn Swālih Al-‘Uthaymīn adatchulapo za nkhani ya wakuba mu ulamuliro wa ‘Umar Ibnul Khattwāb kuti:[5]

رَمَأَيِ الْهَمَ: لَأَقْدَرُ رَأْسُ الْكَذِبِ غَطُّ قُتْنٍ أَهْنَعُ هَلْ يَضْرِبُ طَخْلًا نَبْرُمُ عَرَمًا مَلَوْ
هَلْ لَرَدَقَبِ الْكَذِبِ غَطُّ قُتْنٍ أَلُنْحَنُ: لَأَقْدَرُ هَلْ لَرَدَقَبِ الْكَذِبِ غَطُّ قُتْنٍ أَلُنْحَنُ: لَأَقْدَرُ هَلْ لَرَدَقَبِ الْكَذِبِ غَطُّ قُتْنٍ أَلُنْحَنُ: لَأَقْدَرُ

Ndi pamene adalamula ‘Umar Ibnul Khattwāb (chisangalalo cha Allāh chikhale pa iye) kuti lidulidwe dzanja la wakuba, iye (wakubayo) adati: “Dikirani kaye, eh inu mtsogoleri wa Okhulupirira! Ndikulumbira mwa Allāh, ine sindinabe kupatulapo kudzera mu Qadar ya Allāh.” ‘Umar adati: “Ndipo ife sitikudula dzanja lako kupatula kudzera mu Qadar ya Allāh.”

Choncho, Allāh amachita zomwe lyeyo wafuna; ndipo ife pambuyo poti tasankha zomwe tikufuna kuchitazo, lyeyo (Allāh) ndi amene amapereka chilolezo kuti zimenezo zitheke.

Allāh ndiye Mwini kuzindikira.

[1] Sūrah Al-Kahf 18:29

[2] Sūrah An-Nahl 16:35

[3] Tafsīr Ibn Kathīr, Vol. 4, tsamba 680

[4] Majmū' Al-Fatāwā, Vol. 8, tsamba 179

[5] Tafsīr Al-'Uthaymīn, Sūrah Az-Zukhruf, tsamba 94